



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Ioannis Ioviani Pontani amorum libri II.**

**Pontano, Giovanni Gioviano**

**Venetiis, 1518**

De ortu, & genitura leporum.

**urn:nbn:de:hbz:466:1-13534**



DE AMORE CONIUGALI.  
Dina deum, diuam dum deus ipse fouet,  
Dum ludunt ad proela. pater mitissime salue,  
Annuus & rediens ad tua musta ueni.

RUSTICVM ALLOQVITVR.

r Vstice neglecti cultor male fortis agelli,  
Qui subigis pigro rura paterna boue,  
Dumosoq; sinis obducis limite campum,  
Duraq; non certo subruis arua die,  
Fallacisq; tibi Cereris, fallacis & uuae  
Fructus, & ingrati poma minuta soli.  
Non seges haec, non cura leuis, non lenta colendi  
Desidia, offensi sed facit ira dei.  
Cuius numen aquae uiolas, dum saepe lutosam  
A stabulis uitreo perluis amne suem,  
Annua nec ueteri reddis sua uota sacello,  
Sed caedis sacra religione nemus.  
Ira deos tangit. coelestem uince furorem  
Ture pio, & multam sedulus adde precem.  
A gna cadat Fauno. pinguisq; ex hubere matris  
Imbuat offensas candidus hoedus aquas.  
Placabisq; deum, sacrae qui praesidet undae,  
Viscera de niueo tosta ferens uitulo.

DE PRIMO LEPORVM ORTV.

f Allor an est charitum chorus hic? chorus ille leporum  
Vre puer plena mascula tura manu.  
Spargite humum uiolis, chorus aduenit, ite profani,  
Iam subit ornatas candida turba fores.  
Nunc ades o' mihi culta chelys, dum pauca puellis



Dum canimus blando pauca sed apta gregi.  
 Forte quiescebat Veneris chorus ad caput amnis.  
 Roscida Sebethos qua piger arua secat.  
 Ceruleæ per prata deæ, per prata Napææ  
 Hic illi placida membra quiete leuant.  
 Aura mouet uiridens ramos. uaga murmurat unda,  
 Et dulce in folijs garrula cantat auis.  
 Dulcidia ad salicem, uiridiq; in margine ripæ  
 Sicut erat, rapido fessa calore iacet.  
 Aura leuis tunica suram nudabat. at illi  
 Crura per ignoto lumine candet ebur.  
 Ipsa etiam tenuem spirabat leniter auram,  
 Languenti qualem spirat ab ore sopor.  
 Forsitan et ueteres animo suspirat amores,  
 Somniat amplexus dum Tegeæ tuos.  
 Optanti non serus ades, dum gramina seruas,  
 Explorasq; leuem qua tulit illa pedem.  
 Quæ tum deliciae? quæ murmura? quis furit ardor?  
 Post rixas, post tot proelia quanta quies?  
 Risit ut exanimes uidit Cytherea, repensq;  
 Currit in amplexus pulcher Adoni tuos.  
 Nullaq; quæ uos nymphea uidet non inuidet, aut non  
 Querit amatorem protinus illa suum.  
 Illa dies inter Charitesq; interq; Napæas,  
 Illa dies nymphis iure beata fuit.  
 Illa etiam puero ut placeat Cytherea retexit  
 Molle latus, retegis mollis Adoni tuum.  
 Securæ in tenero iacnistis gramine nympheæ,  
 Egstisq; uices, dedecuitq; nihil,  
 Dulcidiæ paulatim uterus crescebat, et ægram



DE AMORE CONIUGALI.

Vexabat geminus uentre grauate puer.  
Affer opem & genitor natis, & amator amanti  
Clamat. fert genitor, fert & amator opem.  
Forte aberat Lucina domo. Cyllenius aulam  
Ingressus furtum fur deus ipse parat.  
Vnguentum è thalamo magnæ Iunonis ad usum  
Seruatum, artifici surripit ille manu.  
Vngit & hoc ueterum diuæ. cessere dolores.  
Illa parit geminos. tum dea mater ait.  
Ipsa leuata labore uocem uos iure Lepores.  
Nomnis hæc uestri non mihi causa leuis.  
Vos eritis curis requies, uos mite leuamen,  
Sollicitisq; animis diminuetis onus.  
Hæc genitrix sic orsa Venus, sic mater amorum,  
Puniceasq; sinu spirat, & ore rosas.  
Mecum eritis quocunq; loco, quocunq; recessu.  
O pueri, ut nostri pars bene digna chori.  
Nec uobis sine dulce aliquid. mihi ubiq; Leporum  
Iuncta cohors, mihi sit iunctus uterq; comes.  
Hoc mater merita est, teneræ hoc meruere sorores,  
Inuentaq; lyra nobilis ipse pater.  
Dixitq; excepitq; sinu dea læta beato,  
Ambrosium & roseo stillat ab ore decus.  
Ambrosiæ hausere auramq; Idaliūq; liquorem  
Tum pueri, & blandos ore dedere modos.  
Arrisit, tenerisq; iterum dea fouit in ulnis,  
Hos & Adalio protulit ore sonos.  
Nullæ uos curæ pueri, nil triste dolens ue,  
Non labor, aut mœror pectora uestra graue.  
Otia sed risusq; inuent, lususq; iociq;



Blanditiæq; leues, mollitiesq; decens.  
Sit semper puerile decus, puerilis & ætas,  
Insideat labris attica semper apis.  
Hæc uobis Veneris pueri Chariteia propago,  
Hæc canit aurato pectine eburna chelys.  
Hæc uobis Gnidie Nymphæ, queis dulcia curæ  
Quæ mentes placida conciliatis ope.  
Vos numeros ne dia cohors ne temnite nostros,  
Si mea sunt uestris cognita plectra choris.  
At uos Dulcidiæ nati, qui mutia tecta.  
Parthenopes, muti rura beata solo,  
Qui colitis Stabiosq; sinus, Sarniq; recessum,  
Et Surrentinis littora nota iugis,  
Cantibus his spirate hilares teneriq; Lepores,  
Lenis & afflatu mulceat aura nouo.  
Qualem cum teneris lac instillaret alumnis.  
Spirabat niueo dia Melissa sinu.  
Sic uobis sit triste nihil, sint otia læta.  
Mopsopius grato sic fluat ore liquor.



